



## XALQ DEPUTATLARI FARG'ONA VILOYATI KENGASHI QARORI

2020 yil “ 28 „ декабрь № VI-XXIV/123

### **Вилоят худудида ташқи реклама объектлари учун йиғимлар (тарифлар) миқдорини маъқуллаш ҳақида**

Тарихий-шаҳарсозлик муҳити ва туманлар (шаҳарлар)нинг мавжуд бинолари меъморий қиёфасини сақлаб қолиш, реклама конструкцияларини ўрнатиш ва улардан фойдаланишни тартибга солишни назорат қилиш, ташқи реклама соҳасининг барча иштирокчилари учун тенг ҳуқуқларни таъминлайдиган тамойиллар ва шартларни шакллантириш мақсадида Ўзбекистон Республикаси Вазирлар Маҳкамасининг 2020 йил 20 февралдаги ”Ташқи реклама бозорини тартибга солиш тўғрисида”ги 104-сонли қарори қабул қилинган.

Ўзбекистон Республикаси Вазирлар Маҳкамасининг мазкур қарори билан ўрнатилган ташқи реклама объектлари (конструкциялари) учун тўлов миқдорини аниқлаш тартиби тўғрисидаги Низом тасдиқланган.

Ўзбекистон Республикаси “Маҳаллий давлат ҳокимияти тўғрисида”ги Қонунининг 6 ва 24-моддалари ҳамда Ўзбекистон Республикаси Вазирлар Маҳкамасининг 2020 йил 20 февралдаги ”Ташқи реклама бозорини тартибга солиш тўғрисида”ги 104-сонли қарорига асосан Фарғона вилоятида ташқи реклама объектлари учун йиғимлар миқдорларини маъқуллаш ва бу борада депутатлик назоратини олиб бориш мақсадида Халқ депутатлари вилоят Кенгаши

### **ҚАРОР ҚИЛАДИ:**

1. Ўзбекистон Республикаси Вазирлар Маҳкамасининг 2020 йил 20 февралдаги ”Ташқи реклама бозорини тартибга солиш тўғрисида”ги 104-сонли қарори раҳбарлик ва ижро учун қабул қилинсин.

2. Ўзбекистон Республикаси Вазирлар Маҳкамасининг мазкур қарори билан йиғим тарифлари йилига кўпи билан бир марта Қорақалпоғистон Республикаси Жўқорги Кенгеси, халқ депутатлари вилоятлар ва Тошкент шаҳар Кенгашлари томонидан кўриб чиқилиши белгиланганлиги инобатга олинсин.

3. Ўзбекистон Республикаси Монополияга қарши курашиш кўмитаси вилоят ҳудудий бошқармасининг 2020 йил 28 ноябрдаги вилоят ҳудудларида

ташқи реклама объектлари учун йиғимлар (тарифлар) миқдорини халқ депутатлари вилоят Кенгаши сессиясида кўриб чиқиш ва маъқуллаш бўйича кенгаш қарорини қабул қилинишини сўраб ёзган 01-09/2313-сонли алоқа хати инобатга олинсин.

4. Ўзбекистон Республикаси Монополияга қарши курашиш қўмитаси вилоят ҳудудий бошқармасининг вилоят ҳудудларида ташқи реклама объектлари учун йиғимлар (тарифлар) миқдори юзасидан тақдироти маълумот учун қабул қилинсин.

5. Қуйидагилар:

Ўзбекистон Республикаси Монополияга қарши курашиш қўмитаси вилоят ҳудудий бошқармасининг вилоят ҳудудларида ташқи реклама объектлари учун йиғимлар (тарифлар) миқдори таклифи юзасидан 2020 йил 25 ноябрдаги 01-09/2269-сонли хулоса хати;

Вилоят Молия бош бошқармасининг вилоят ҳудудларида ташқи реклама объектлари учун йиғимлар (тарифлар) миқдори таклифи юзасидан 2020 йил 9 декабрдаги IS6815261034 - сонли хулоса хати инобатга олинсин.

6. Вилоят ҳудудларида ташқи реклама объектлари учун йиғимлар (тарифлар) миқдори маъқуллансин ва иловага мувофиқ тасдиқлансин.

7. Барча туман (шаҳар) ҳокимликлари:

ташқи реклама объектларини (конструкцияларини) куриш учун бериладиган ер участкаларини ҳамда давлат мулки бўлган бино ва иншоотларни аниқлаш мақсадида ҳудудларни ўрганишни;

ташқи реклама объектларини (конструкцияларини) жойлаштириш учун ер участкасидан фойдаланиш ҳуқуқини, шунингдек, давлат мулки бўлган бино ва иншоотларга реклама объектларини жойлаштириш ҳуқуқини белгилайдиган ҳужжатлар тайёрланишини;

ташқи реклама объектларини (конструкцияларини) тизимли мониторинг қилишни ва уларни ноқонуний жойлаштириш ҳолатларини аниқлашни;

ташқи реклама объектларида (конструкцияларида) жойлаштирилган рекламалар, шу жумладан ижтимоий рекламалар ҳисобини юритишни;

йўлнинг қатнов қисмида жойлашган аҳоли турар-жой биноларининг ташқи қисмида (балкон, лоджия, дераза, эшик ва бошқа тарафига) ҳар қандай турдаги шахсий эълонларни жойлаштирилишига йўл қўймаслик чораларини кўришни;

ушбу соҳада аниқланган қонунбузарлик ҳолатлари бўйича тегишли чора кўриш учун Ўзбекистон Республикаси Монополияга қарши курашиш қўмитасининг ҳудудий бошқармаларига таклифлар киритишни таъминласинлар.

8. Вилоят Адлия бошқармаси (Б.Хасанов), молия бош бошқармаси (В.Назаров), вилоят давлат молиявий назорати бошқармаси (С.Жўраев), Ўзбекистон Республикаси Монополияга қарши курашиш қўмитаси вилоят ҳудудий бошқармаси (А.Холматов) мазкур Кенгаш қарори билан тасдиқланган ташқи реклама объектлари учун йиғимлар (тарифлар) миқдорини ўрнатилган

тартибда қўллаб борилиши юзасидан белгиланган тартибда назорат тадбирларини олиб борсин.

9. Вилоят ҳудудларида ташқи реклама объектлари учун йиғимлар (тарифлар) миқдорини ўрнатилган тартибда қўллаб борилаётганлиги юзасидан мониторинг ўрганишлар олиб бориш, маҳаллий Кенгашларнинг тегишли доимий комиссия йиғилишлари ва Кенгаш сессияларида мунтазам муҳокама қилиб бориш, муаммо ва таклифлар юзасидан таъсирчан чора-тадбирлар белгилаш ҳамда маҳаллий Кенгаш сессияларида масъулларнинг ахборотларини тинглаб бориш тавсия этилади.

10. Вилоят ҳокимлиги Ахборот хизмати, Ахборот ва оммавий коммуникациялар бошқармаси билан биргаликда вилоят телерадиокомпанияси ҳамда вилоятдаги бошқа нодавлат теле- ва радиоканалларда, ҳокимлик муассислигидаги газеталарда ташқи реклама объектлари учун йиғимлар (тарифлар) миқдорини оммавий ахборот воситалари орқали аҳолига етказиш тавсия этилсин.

11. Мазкур Кенгаш қарори ижросини назорат қилиш халқ депутатлари вилоят Кенгашининг Саноат, транспорт, қурилиш, коммунал хўжалиги масалалари ва аҳолига хизмат кўрсатиш бўйича доимий комиссияси (З.Зохидов) ва вилоят ҳокимининг ўринбосари Д.Ходжихмедовлар зиммасига юклансин.

**Сессия раиси**



**Р.Камалов**

**Фарғона вилоятида ташқи реклама объектлари (конструкциялари)га  
ташқи рекламани жойлаштириш (тарқатиш) учун йиғимлар  
МИҚДОРИ**

№	Реклама объектларининг турлари	Ўлчов бирлиги	Бир ойга (сўм)
<b>I. Ер участкаларида ўрнатилган алоҳида турувчи конструкциялар</b>			
1.1	кичик форматдаги (2,19 кв.м.гача)	1 кв.м	5 000
1.2	ўрта форматдаги (2,2 кв.м.дан 12 кв. м.гача)	1 кв.м	5 000
1.3	катта форматдаги (12 кв.м.дан 18 кв. м.гача)	1 кв.м	5 000
1.4	ўта катта форматдаги (18 кв.м.дан ортиқ)	1 кв.м	5 000
1.5	0,3 х 0,3 метрдан катта ҳажмли-фазовий қурилма	1 кв.м	15 000
1.6	байроқли рекламалар тўплами (композиция)	1 кв.м	5 000
1.7	реклама модулларига эга кўрсаткичлар	1 кв.м	5 000
1.8	умумий майдони 3 кв.м.дан ортиқ афиша деворлар	1 кв.м	5 000
<b>II. Бинолар, иншоотлар ва қурилмалардаги реклама конструкциялари</b>			
2.1	бинонинг ташқи қисмида жойлаштирилган конструкциялар	1 кв.м	5 000
2.2	биноларнинг том қисмларидаги конструкциялар — меъморий шакл (хайкаллар)	1 кв.м	5 000
2.3	майдони 2 кв.м ва ундан ортиқ бўлган йирик конструкциялар	1 кв.м	5 000
2.4	павильонлардаги конструкциялар	1 кв.м	5 000
2.5	кўча мебели, хусусан, реклама модули ўрнатилган ўриндиқлар	1 кв.м	5 000
2.6	майдонли тўсиқлардаги конструкциялар	1 кв.м	5 000
2.7	кўприкларда, йўл ўтказгичлар, қувур линиялари, ёритиш тиргакларида ўрнатилган конструкциялар	1 кв.м	5 000
2.8	маркизлар	1 кв.м	5 000
2.9	проекцияли узатма	1 кв.м	15 000
2.10	консоль панеллар	1 кв.м	15 000
2.11	имиджли реклама ва ахборот қурилмалари	1 кв.м	15 000
2.12	реклама блоклари	1 кв.м	5 000
2.13	ҳажмли-фазовий қурилма	1 кв.м	15 000
2.14	том усти ёруғли реклама конструкциялари	1 кв.м	15 000
<b>III. Ташқи реклама вақтинчалик объектлари (конструкциялари)</b>			
3.1	қурилиш майдончаларидаги 2 кв.м ва ундан кўп бўлган вақтинча реклама тўсиқлари	1 кв.м	5 000

№	Реклама объектларининг турлари	Ўлчов бирлиги	Бир ойга (сўм)
3.2	2 кв.м ва ундан кўп бўлган умумий овқатланиш ва савдо нуқталаридаги реклама	1 кв.м	5 000
3.3	вақтинча турдаги киосклар ва павилонлардаги реклама	1 кв.м	5 000
3.4	плакатлар, чодирлар, соябонлар, каноплар, байроқлар, осма байроқлар, елканли байроқлардаги реклама	1 кв.м	5 000
3.5	ностандарт шаклдаги конструкциялар	1 кв.м	5 000
3.6	промоқурилмалар	1 кв.м	5 000
3.7	алоҳида турувчи ёруғли кронштейнлар		15 000
<b>IV. Ёруғли-диодли мониторлар, электр экранлар (видео экранлар, югурувчи сатрлар дисплейлари ва бошқалар)</b>			
4.1	50 кв.м.гача	1 кв.м	50 000
4.2	51 кв.м.дан 150 кв.м.гача	1 кв.м	30 000
4.3	151 кв.м.дан 300 кв.м.гача	1 кв.м	20 000
4.4	300 кв.м.дан ортиқ	1 кв.м	10 000

**Изоҳ:** ушбу тариф суммалари шаҳар, туман ҳудудий зоналари коэффициентларига нисбатан қўлланилади. Фарғона шаҳар 1-зона: 2,4; 2-зона 2,2; 3-зона 2,0; Қўқон шаҳри 1-зона: 2,2; 2-зона 2,0; 3-зона 1,8; Марғилон шаҳри 1-зона: 2,0; 2-зона 1,8; 3-зона 1,6; бошқа шаҳар ва туманлар – 1,6;